



Broj: 04-40-1-18/23  
Sarajevo, 19.01.2023. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 18.01.2023. do 08:30 sati 19.01.2023. godine**

Kantonalni operativni centar civilne zaštite je dana, 19.01.2023. godine u 02:10 sati primio informaciju od dispečerskog centra Profesionalne vatrogasne jedinice Kantonalne uprave civilne zaštite Kantona Sarajevo, MUP-a KS i Policijske stanice Novo Sarajevo i Stari Grad, da je u Općini Stari Grad u ul. Hamdije Kreševljakovića (kod zgrade Papagajka) sa obale jedna ženska osoba skočila u rijeku Miljacku, te traže pomoć Gorske službe spašavanja. Dežurni u Kantonalnom operativnom centru civilne zaštite je odmah obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, prenijeta je informacija rukovodiocima Službi za spašavanje iz lavina, potraga i spašavanja na vodi i pod vodom koja je formirana u Gorskoj službi spašavanja Kantona Sarajevo i Stanica Sarajevo (u daljnjem tekstu: Služba), čiji su timovi odmah izašli na lokalitet te u saradnji i koordinaciji sa Kantonalnim operativnim centrom civilne zaštite, pripadnicima PVJ KS, kao i pripadnicima MUP-a krenuli u akciju potrage i spašavanja za gore navedenom osobom. Dežurni u Kantonalnom operativnom centru je obavijestio Općinske operativne centre civilne zaštite Novo Sarajevo i Novi Grad da odmah angažuju svoje službe i priključe se u akciju potrage i spašavanja. Navedena ženska osoba je oko 04:00 sata locirana u koritu rijeke Miljacke u blizini Centra "Safet Zajko". Akcija je završena oko 04:20, kada je beživotno tijelo ženske osoba izvučena iz vode.

U toku noći 18./19.01.2023. godine Kantonalna uprava civilne zaštite Kantona Sarajevo i ekipe općinskih službi civilne zaštite su kontinuirano obilazili područja koja su najugroženija od poplava u cilju pravovremenog preduzimanja mjera i aktivnosti na sprječavanju izlivanja vodotoka iz svojih korita. Trenutno na području Kantona Sarajevo svi vodotoci u svojim koritima.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su tri manje intervencije na gašenju zapaljenih dimnjaka.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 4°C, vlažnost zraka 99%, barometarski pritisak 941 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a